

Quar. 4. An animæ post mortem dormiant?

ITa videtur iterum Socinianis, qui fundamentum desumunt ex textu nostro, ubi beati morientes in cubicula sua revo- cantur. Ea autem cubicula putant esse locum silentii & ob- litionis, in infima terræ parte. Vid. Schlichting. Expos. Symboli ad illa verba: descendit in infernum f. 73. Et anima sine corpore, inquit Smalzius Exam. Centum Error. ad er- rorem 81. f. 33. nullas operationes exercere potest. Contrà autem observandum est, quod à quiete, in oppositionem ad molestias & pericula hujus vitæ spectata, ad cessationem ab omni agitu, non liceat argumentari; seu, ut ad argumen- tum ex Psalm. VI, 5. & Psalm. CXV, 17. desumtum, ubi dici- tur: Mortui non conficebuntur, non laudabunt te; respon- dit B. Scherzer. in Collegio Anti-Sociniano pag. 1166. à ne- gatione agit in Ecclesia militante ad negationem agit in Ecclesia triumphante N. V. C. Certè enim animas quie- scentes consolationem percipere, cantare trisagion, & alia similia operari, dictum est suprà. Cap. II. §. 6. Optimè Cicero lib. 5. de finibus. Si quispiam ita nonaginta annos velit vivere, & cum sexaginta vixerit reliquos dormiat, ne sues quidem id velint. Et B. Augustinus contra fabulam de somno Johannis Evangelistæ in sepulcro, non esse consentaneum, ait, ut ei discipulo Jesus, quem præ ceteris diligeret, pro magno munere longum in corpore somnum donaret. Cæ- terum hanc controversiam iterum pertractatam vide ex professo apud B. Scherzerum l. c. à p. 1140. - ad 1190.

Quar. 5. An corpora morientium ita distruuntur per mortem, ut non eadem numero, sed alia pro illis, reddantur in vita altera?

REsp. Negando, quia nostrum oraculum testatur, ea tan- tū in cubicula secedere & occultari: nempe aliquando redditura